



UNIVERSITÄTS-
BIBLIOTHEK
PADERBORN

Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

87. Gerardus Vvesemalius, dominus opidi Bergizomensis in Brabantia, agnoscit se debere quotannis quattuor marcas, Canonicis Ultraiectensibus S. Martini & S. Saluatoris soluendas, ex pacto, pro ...

urn:nbn:de:hbz:466:1-10903

CAPVT LXXXVII.

Gerardus Vvesemalius, dominus opidi Bergizomensis in Brabantia, agnoscit se debere quotannis quattuor marcas, Canonicis Vltraiechtensibus S. Martini & S. Saluatoris soluendas ex pacto, pro pradijs in Brabantia sitis.

Dilectis dominis suis, viris venerandis & discretis, Decano & Capitulo ecclesie Traiechtensis, GERARDVS de Wefemale, miles, dominus de Monte super Zoma, & de Harfele, quidquid potest obsequij & honoris, cum salute.

Vestras rogamus discretiones, quatenus monitorium nobis factum, ad vestram instantiam, defectu cuiusdam solutionis pecunie, hac vice reuocare velitis, & eam facere reuocari

Scientes quod ad hoc dilectum nostrum Capellanum, latorem presentium, ad vos transmittimus, & quod quidquid idem Capellanus de premissis vobiscum ordinauerit, hoc ratum & firmum obseruabimus, presentium testimonio litterarum, sigillo nostro sigillatarum.

Datum anno Domini millesimo ducentesimo octogesimo, Dominica post S. Matthee Apostoli. 1280.

Aliud eiusdem Gerardi Vvesemalij diploma.

Vniuersis presentes litteras visuris GERARDVS de Wefemale, miles, dominus de Berge super Zoom, salutem in omnium Salvatore.

Vniuersitati vestre notum facimus per presentes, quod tenemur soluere bona fide venerandis viris, dominis Decanis & Capitulis S. Martini & S. Saluatoris ecclesiarum Traiechtensium, singulis annis, infra Octauas obitus B. Martini, quattuor marcas, sex solidos, & octo denarios Coloniaensium denariorum legalium:

Et si in solutione dictae pecunie dicto termino defecerimus, omnes expensas, quas ad monendum, pro eisdem denarijs dicti Decani & Capitula fecerint, eis refundemus integraliter, secundum formam & continentiam priorum litterarum nostrarum, quas ipsis

Decanis & Capitulis dedimus, super solutione dictæ pecuniæ de bonis, quæ de ipsis in pacto tenemus, iisdem annis singulis persolvendæ.

In cuius rei testimonium sæpe memoratis dominis Decanis & Capitulis præsentis litteras, sigillo meo, ac sigillis venerabilis viri domini Wilhelmi de Aemstelle, Præpositi ecclesiæ S. Ioannis prædicti loci, & domini Huberti de Euerdingen senioris, militis, contulimus roboratas.

1290. Datum anno Domini millesimo ducentesimo nonagesimo, Sabato ante Dominicam, qua cantatur, *Oculi mei*.

NOTATIONES.

Stemma dominorum & Marchionum Bergizomenisum.

1. GERARDVS Wefemalius, opidi Bergensis ad Scaldim & Zomam in Brabantia conditor, ut Pontus Heuterus in suis Tabulis genealogicis tradit, filios genuit, Arnoldum & Godefridum Merxemi dominum.
2. Arnoldus Bergizomij Dominus ex N. Bautersemia duas reliquit filias, Machtildem, & N. nuptam Richardo Merodio: de quo infra agemus.
3. Machtildis Wefemalia, Alberto Vornæo nupta, peperit Ioannam Vornæam, Bergizomij dominam.
4. Ioanna maritum habuit Ioannem Valckenburgium, & Bergizomense opidum Henrico Bautersenio vendiderunt.
5. Henricus Bergizomij dominus ex Maria Wefemalia sustulit Henricum, Gerardum & Margaritam.
6. Henricus II. Bautersenius duxit Beatricem Polanam: & ex ea nati, Henricus & Oda.
7. Henricus III. ex Bautersemijs, dominus Bergizomenis, coniugem habuit N. Gruthusiam seu Brugensem, quæ ipsi in dotem attulit Baroniam Grimbergensem, peperitque Henricum sine liberis defunctum, & Ioannam.
8. IOANNA Bautersemia, Bergarum ad Zomam, Grimbergæ & Walhemi domina, anno millesimo quadringentesimo decimo octavo nupsit IOANNI DE BRABANTIA, aliàs de GLIMES, qui patrem

trem habuit, Ioannem, Ioannis III. Brabantiae Ducis filium naturalem: vt Dinterus & Heuterus tradunt.

Ioanni de Glimès & Ioannæ Bautersemiae liberi fuerunt, IOANNES cognomento LABEO, Bergizomij dominus, Antonius sine liberis sublatus, & PHILIPPVS Baro Grimbergæ prope Bruxellam: à quo postremo stirpem trahunt Barones Grimbergani, ex quibus GODEFRIDVS BERGIVS, primus Comes Grimberganus an. 1625. à Philippo IV. Rege Catholico est creatus.

IOANNES LABEO ex Margarita San-Simonia genuit inter alios Ioannem, Henricum Episcopum Cameracensem, & Cornelium Seuenbergæ dominum per vxorem, an. 1501. Equitem Velleris aurei creatum.

IOANNES, Labeonis primogenitus, Bergarum & Walhemi dominus, an. 1481. Velleris aurei Eques, duxit Adrianam de Brimeu, Guidonis Comitis Megani filiam. Ex qua inter alios nati, IOANNES, qui ex Anna Burgunda non reliquit prolem, & ANTONIVS, primus Marchio Bergizomensis, Comes Walhemienfis & Eques Velleris aurei, an. 1531. à Carolo V. Imp. creatus.

Idem Antonius insigne templum Bergis ad Zomam ædificauit, & ex Catharina Croya liberos reliquit, IOANNEM Marchionem II. Bergizomensem, an. 1567. in Hispania defunctum, Robertum Leodicensem, Ludouicum Cameracensem, Episcopos, Mariam, Annam & Manciam; qui omnes sine liberis obierunt, excepta Manciam.

Nupsit autem MANCIA, Marchionissa Bergizomensis & Comitissa Walhemienfis an. 1558. IOANNI Baroni de Merode, Comiti de Oelen, domino de Westerlo, Petersem, Gele & Peruvves, peperitque ex eo Margaritam.

MARGARITA MERODIA, Marchionissa Bergizomensis, domina Gelæ & Peruesij, an. 1577. IOANNI DE WITTHEM, domino de Bersele, Bautersem & Braine, nupta, tres reliquit filias, Mariam Manciam, HERMANNO Comiti Herenbergensi, Margaritam Henrico, Hermanni fratri, & Ernestinam Francisco de Cufance, Burundo, Baroni de Beauuois, iunctas.

MARIA ELISABETH, Hermanni & Mariæ Manciae filia & heres, an. 1625. nupsit ALBERTO, Frederici Comitis Herenbergensis filio

vnico. Fuit autem Fredericus dicti Hermanni Comititis frater.

CAPVT LXXXVIII.

Adolphus, Montensis ad Rhenum Comes, Ducatum Limburgensem iure sanguinis ad se deuolutum, an. 1282. cedit Ioanni I. Brabantia Duci; & per litteras rogat, ut Rudolphus I. Imp. id ratum habeat.

Serenissimo domino suo RVDOLPHO, Dei gratia Romanorum Re-
gi semper Augusto, ADOLPHVS Comes de Monte, cum debite
fidelitatis promptitudine, quidquid potest obsequij, reuerentiæ &
honoris.

Cum nos Ducatum Limburgensem, cum omnibus bonis, quæ
felicis recordationis dominus WALRAMVS Dux Limburgensis,
patruus noster, nec non domina ERMENGARDIS, filia sua, olim
Comitissa Geldriæ, tenebant, dum viuerent, ad nos, ex morte vtri-
usque, tamquam ad legitimum heredem, deuolutum, donationis
titulo, transtulerimus in illustrem Principem dominum IOANNEM,
Ducem Lotharingiæ & Brabantia, dominum nostrum, simpliciter
& de plano:

Dominationem patiter & magnificentia vestra Celitudine
deuotè requirimus, quatenus ipsi domino Duci Ducatum ipsum, &
bona ad ipsum Ducatum pertinentia, prout à vobis dependent,
concedere dignemini, cum solemnitatibus ad huiusmodi conce-
sionem debitis & consuetis.

1282. Datum anno millesimo ducentesimo octogesimo secundo, feria
quinta post Pentecosten.

NOTATIONES.

Series Comitum & Ducum Limburgensium.

Limburgensium Comitum & Ducum primorum genealogia hæ-
ctenus fuit prorsus obscura atque intricata. Nos eam explicare
conati fuimus in Stemmatibus Principum Belgij c. 16. & supra cap.
72. sed